




მუცელგანთქმულ პურისმჭამელ  
გურმან ელარჯიას,  
ფანჯარი რომ ვაკეში აქვს,  
ღივი ვერაზე აქვს..



ის დღე სამახსოვროდ დარჩათ რესპუბლიკის აგრომრეწვის მუშაკებს, როცა 21 ივნისს საინფორმაციო პროგრამა „ერემიამ“ მათი ყურადღება მიიპყრო საკავშირო ფონდში ხილ-ბოსტნეულის პროდუქციის გადატვირთვის საქმეში არსებულ უხეშ დარღვევებზე, კერძოდ, საკითხი უხარისხო საადრეო კომბოსტოს გაგზავნას ეხებოდა.

კრიტიკა რის კრიტიკა იქნებოდა, თუ მას ავტორიტეტული კომისიის გამოყოფა და საკითხის საფუძვლიანი შემოწმება არ მოჰყვებოდა. სურათი საკმაოდ მუქი აღმოჩნდა: ზოგი მეურნეობა არ ახდენს პროდუქციის გადარჩევას, დახარისხებას და თანმხლები საბუთების სათანადო გაფორმებას!..

პროდუქციაში სტანდარტული ნაწილის შემცველობა ფიქტიურად იყო აღნიშნული. პროდუქციის ნაწილი მოთავსებული იყო ტრანსპორტირებისათვის უვარგის ყუთებში, რაც კიდევ უფრო აუარესებდა პროდუქციის ხარისხს. მოსკოვში გადატვირთული და შემოწმებული 1758 ტონა საადრეო კომბოსტოდან სტანდარტული აღმოჩნდა 80,2 პროცენტი, როცა ეს მაჩვენებელი 90-ზე ნაკლები არ უნდა ყოფილიყო! ამის გამო გეგმის შესრულებიდან მოიხსნა 350 ტონა არასტანდარტული საადრეო ბოსტნეული.



უნინარეს ყოვლისა საყვედური ეთქმით გარდაბნის რაიონის საზოგადოებრივ მეურნეობებს, რომელთაგან გადატვირთული 2.700 ტონა საადრეო კომბოსტოდან უხარისხობის გამო გეგმიდან მოიხსნა 110 ტონაზე მეტი და უკან დაუბრუნდათ გადასარჩევად. სახელი გაიტება გარდაბნის მებოსტნეობის საბჭოთა მეურნეობამ (დირექტორი მ. შასანოვი). მათ ამ ზაფხულს იზოთერმულ ვაგონებში ჩატვირთეს 33 ტონა საადრეო კომბოსტო. სახელმწიფო ინსპექტორმა წინადადება მისცა პროდუქცია ვაგონებიდან გამოეთანათ და გადაერჩიათ, მაგრამ მისი რჩევა არავინ ისმინა!..

ურჩობას შედეგად ის მოჰყვა, რომ მოსკოვში გაგზავნილი კომბოსტოს სტანდარტულმა ნაწილმა 64 პროცენტამდე შეად-

გინა, ხოლო როსტოვში გაგზავნილმა — 81 პროცენტი. თუ სათქმელს ბოლომდე ვიტყვი, აღნიშნული მეურნეობა სხვა ცოდვასაც სჩადის: არ საზღვრავს პროდუქციაში ნიტრატების ოდენობას და არ იძლევა სერთიფიკატს პროდუქციაზე.

იქნებ მათზე არც კი გაგვემახილებინა ყურადღება, რომ მსგავსი დარღვევები არ დაეშაო ამავე რაიონის რუისბოლოსა და კაპანახჩის საბჭოთა მეურნეობებს. რუისბოლოელმა (დირექტორი შ. ლიპარტელიანი) მოსკოვსა და როსტოვში გადატვირთეს 300 ტონამდე საადრეო კომბოსტო, რომლის სტანდარტული ნაწილი 72 პროცენტამდე იყო, ხოლო კაპანახჩელთა (დირექტორი ვ. გამბაროვი) გაგზავნილ პროდუქციაში — 76 პროცენტამდე. ამ უკანასკნელმა მეურნეობამ იმითაც „ისახელა თავი“, რომ მისი გაგზავნილი პროდუქციის თითქმის ნახევარი თავებდახეთქილი, გაღივებული და საკვებად უვარგისი იყო!..

იტყვიან, ცუდი მაგალითი გადამდებიაო. ეს სენი გადაეღოთ სამგორელებს, ჯანდარელებსა და ახტაკალებს, აგრეთვე სამტრედიის, თერჯოლისა და მარნეულის რაიონების დამამზადებლებს. არც მარნეულის რაიონის თაქალოს საბჭოთა მეურნეობამ (დირექტორი მ. შამედაოვი) მიიღო სახელმწიფო ინსპექტორის რჩევა, არც მეგობრობის საბჭოთა მეურნეობამ (დირექტორი ა. კოჯაევი), რომელთაც 12 ვაგონი საადრეო კომბოსტო სუსტად შეჭედილი ყუთებითა და ეტიკეტების გარეშე გაგზავნეს. ანალოგიური დარღვევები დაუშვეს საბირკენდის და 26 კომისრის სახელობის მეურნეობებმაც.

ყურადსაღები კრიტიკის შემდეგაც პროდუქცია იგზავნება არატრანსპორტაბელური ყუთებით, რაც იწვევს პროდუქციის ხარისხის გაუარესებას. ამას ემატება ისიც, რომ მოგჯერ არ მუშაობენ ავტორეფრიკატორებისა და იზოთერმული ვაგონების გამაცივებელი დანადგარები, ხოლო გადატვირთვის ადგილებში არავინ ამონებებს მათ მზადყოფნას!..

ზემონათქვამიდან რა დასკვნის გაკეთება შეიძლება? მხოლოდ ერთის — ხილბოსტნეულის პროდუქციისა და კარტოფილის წარმოება-გადამუშავების მთავარი სამმართველო, საქსოფლდამზადების რესპუბლიკური გაერთიანება და სახელმწიფო ინსპექცია, რომელსაც ევალება დამზადებული პროდუქციის ხარისხის, სტანდარტის, მეტროლოგიისა და სანიტარული კონტროლის საკითხები, არასაკმარის ღონისძიებებს ახორციელებენ საკავშირო ფონდში უზადო პროდუქციის გასაგზავნად, რისთვისაც რესპუბლიკა დიდ ზარალს ნახულობს!..


ახლა თესლოვანი ხილის საკავშირო ფონდში გაგზავნის დროა და იქნებ კვლავაც არ შევირცხვინოთ თავი!

ყურადსაღებ კრიტიკას ყურადღების გარეშე ნუ დავტოვებთ!

ქ. გოგილაური

ნახ. მ. აბაშიძისა

## პროტობიკები



უსიტყვოდ

თათქარიძის პროტობიკი დღეს ერთბაშად

გავიმრავლდა, —

ცხვირზე ღიბი მიბჭენიათ, — ზოგი ისე დაგვიმრგვალდა!..  
იმ ლუარსაბ თათქარიძეს (ძირგავარდნილ ჭურს რომ

ჰგავდა),

ერთი ცხენი ჯაგლაგი და ცხრა უღელი ხარი ჰყავდა!..

დღევანდელი ლუარსაბი — მქონე ფულის, ჰარბი

ქონის —

თათქარიძეს, ერთს კი არა, ბარე ათსაც აიწონის!..

სამ ადგილზე სახლ-კარი აქვს, ორ ადგილზე — აგარაკი!..

„ვოლგას“ ზურგი შეაქცია, ჰყავს „ფორდი“ და

„კადილაკი“!..

ქონება და ქონი ახრჩობთ, გასახდომად სვამენ აბებს!..

დროზე უნდა ვუმკურნალოთ მუქთახორა ლუარსაბებს!

ნიკოლოზ იოსებიძე





## ელდარ შენგელაიას

სმა თუმცა აკრძალულია,  
 ამ თასს ბოლომდე გამოვცლი:  
 ჩვენს საამაყო ელდარსაც  
 ჩამოუმარცვლავს სამოცი!

სცენარისტებად ლომები —  
 რეზო-„ა“ გყავს და რეზო-„ბე“,  
 ქართული კინოს დიდება  
 და კინოენის ეზოპე!

ვინც ერს და ენას ივიწყებს,  
 ერის და ენის ქომაგო,  
 ვალდებულია სუყველა,  
 პასუხი შენთან რომ აგოს!

თვითონაც მთა ხარ ცისფერი —  
 ერთი მალალი მწვერვალი!  
 კვლავ შედეგები გვჭირდება,  
 კვლავ ბევრი დაგრჩა ჯერ ვალი!

ის ურჩევნია მამასა,  
 ის ურჩევნია დედასა, —  
 რაც კია ჯილდო ამქვეყნად,  
 სულ — გიორგის და ელდარსა!

გვიცოცხლოს იუბილარი —  
 შენგელაია ელდარი!  
 ღმერთმა ქნას, ჩვენმა ქვეყანამ  
 ბევრი გაზარდოს შენდარი!

## რობერტ სტურუას

ოქრო როა ბაჯაღლო  
 ან ამეთვისტო როა,  
 განძი როა ძვირფასი —  
 ე, ის არის სტურუა!

ვითომ ორმოცდაათი  
 ბევრი არის? არც ისე!

მით უმეტეს, როცა გაქვს  
 „ყვარყვარე“ და „ცარცის წრე!“

როგორც უფლის რჩეულს და  
 მეფეთ მეფეს შეპყრის,  
 სულ ზემოდან დასცქერის  
 მეფე რიჩარდს, მეფე ლირს!..

ჩვენს სახელს და დიდებას —  
 გაუმარჯოს რობიკოსი  
 გაუმარჯოს მის სპექტაკლს —  
 მცხუნვარებას ტროპიკულს!

რაკი მთელი მსოფლიო  
 მოიარა ამ დასით,  
 ამ დასსა და რობიკოს  
 ვადღეგრძელებ ამ თასით!

ოქვენი თაყვანისმცემელი  
 „ნიანვი“



სკოლაში 10 წელიწადს ვმუშაობდი საჩხერის რაიონში 70-იან წლებში. ეს ფელეტონი, თუ პაროღიაც მაშინ დაინერა, მაგრამ იგი რაიგაზეთში და სკოლის კედლის გაზეთშიც კი არ გამოაქვეყნეს. მასში აღნიშნული სენი კი ახლაც საკმაოდ ანუხებს სკოლას, მასწავლებელს..

ა ვ ტ ო რ ი

მასწავლებელი — გამგრძობელი გოგებაშვილის საქმის, სახელის, მასწავლებელი — ზოგჯერ უშვილო, მაინც ათასი სიმწრის მნახველი..

მასწავლებლო — მაკულატურა! მასწავლებლო — ჯართი! დავალებები, დავალებები — წალმართიც, უკულმართიც..

მასწავლებლო — სენაყი! მასწავლებლო — ჩალა! თივაც, სილოსის ჩადებაც ჩქარა, ჩქარა და ჩქარა!

მრავალძარღვას ხომ აგროვებ? ატმის კურკასაც უძელი, — არ ჩაუფარდეს რაიონს გეგმა ხილის და ყურძენის!

ბოთლებიც ბლომად აგროვე, ქილაც როდია ურიგო! ტაშის საკრავად წაახსი გია, ლამარა, ზურიკო!..

გაკვეთილები? მოიხსნას! (მისი მომხსნელიც კრულ იყოს!), ანწლის, ასკილის გეგმებში ობლად რომ ამოსულიყო!

კინო-კონცერტის ბილეთთან (კიდევ რა დარჩა სხვა მეტი?) მოსწავლეებში ასალე ფეხბურთის აბონემენტიც!..

მასწავლებელი — პროცენტის ყულფზე ძლივს ჩამოხსნილი მსხვერპლი! მასწავლებელი — მჭლე სამიანზე მიმობნეული ფერფლი! — მასწავლებლო, სადამდე? — ვაიმე, დედავ, ყელამდე!..

პენალტი

ნოვალა

— რაც მე ცხოვრებამ მაბურთავა, დავმრგვალდებოდი, აბა, რა იქნებოდა! — ასე ამბობდა ხოლმე პ. თავის თავზე, ახლა რომ ტრიბუნაზე იჯდა და თამაშის დაწყების მოლოდინში ამთქნარებდა. სიმართლე რომ ითქვას, ფეხბურთის გულშემატკივარი არასდროს ყოფილა და ლამაზი გოლის სანახავად არც ახლა იყო მოსული. ევროპის პირველობაზე გამართული თამაში შემთხვევით ენახა ტელევიზიით და მსაჯის სიმკაცრე მოსწონებოდა. მერე ჩვენი მსაჯობითაც დაინტერესებულყო.

ფეხბურთის ხალხმა როგორ უნდა გვაჯობოს წესრიგის დაცვაში?

თამაში დაიწყო. პ. ამთქნარებდა. მას მხოლოდ მსაჯის რეაგირება აინტერესებდა მწვავე მომენტში. ის კი არ ჩანდა. თითქოს ბურთიც ამთქნარებდა მწვანე მინდორზე.

— ამას სამსახურშიც ძლივს ვუძლებ! — გაიფიქრა პ.მ., — ხომ არ წავიდე? ასე თამაშზე უნესობაა და ერთი კაცი დაამყარებს აქ წესრიგს?



რომ წამოდგა, საპენალტე დარღვევა მოხდა. მსაჯი ისარივით დაერჭო თერთმეტმეტრიანთან და ყურადღებაც არ მიუქცევია პროტესტებისთვის!

— ბიჭოს! — დაჯდა პ. და ხელით მოიგერია პაპიროსის კვამლი. გამხდარმა, იმ კვამლზე გადასაყიდმა მეზობელმა რომ მიაფუტა. — ხუმრობაც არაა, მასპინძლები დაგვაჯარიმა! გენაცვალე სასტვენში!.. — უკანასკნელი სიტყვები ჩურჩულით თქვა და მაინც ფრთხილად მიიხედ-მოიხედა, ხომ არ გაიგონესო.

ანგარიში გაიხსნა და თამაშსაც სული ჩაეღდა. მსაჯები მცირეოდენ დარღვევებსაც არ ტოვებდნენ რეაგირების გარეშე. ერთ-ერთ მომენტში, როცა ფეხბურთელებმა კედელი აღმართეს და მანძილი არ დაიცვეს 2-3 შენიშვნის მიუხედავად, მსაჯმა ყვითელი ბარათი უჩვენა აქტიურ დამრღვევს.

— გენაცვალე მარჯვენში! — კინაღამ ხმამალა წამოსცდა პ.-ს და ისევ უსიტყვოდ დაამატა, — მადლობელი ვარ, ძმაო, მადლობელი..

მეორე ტაიმში თამაშს ცეცხლი წაეკიდა... იგი ტრიბუნებსაც მოედო!.. ათასებს დაჰკრა ყრყოლამ, გულელები გაიარა და ნერვების „მავთულეში“ წავიდა დენივით!..


ერთ-ერთ მომენტში საჯარიმოზე მოცვლეს მეტოქე. მთავარმა მსაჯმა გვერდის შეხედა, მან კი მხრები აიჩჩა. ტრიბუნებზე გრიგალმა იფეთქა, რადგან კვლავ მასპინძლებს აჯარიმებდნენ!..

— საინტერესოზე მეტია, რას იზამს მთავარი? — გაფაციცებით მიშტერებოდა პ. მსაჯს. — მართო ხარ და ცოდო ხარ, ბიჭო, ამდენი დოღრიალას წინაშე! აქ არც ტელევიზიაა და არც არაფერი! ანკეტებს ხომ ვერ დაარიგებ ტრიბუნაზე საზოგადოებრივი აზრის გასაგებად? ვერც მომხრეთა ჩურჩულს ჩააკერებ ოქმში!..

მთავარმა თერთმეტმეტრიანთან გაიდგა ფეხები!..

— გენაცვალე სინდისშიც, გამბედაობაშიც და ყველაფერში! — აღტაცებული იყო პ. თამაშის ბოლოს. — წესების მტკიცე დაცვის გარეშე მართლა თამაშია ყველაფერი! პენალტი გვჭირდა ჩვენ ყველას, პენალტი! დიდი მადლობა მაგალითისათვის და ჩათვალე, რომ ერთი გულშემატკივარი მაინც შემატე დღეს ფეხბურთს! ან თამაშს როგორ გავაცდენ! ის მაჩვენა, დამნაშავე რომ იქვე დაისჯება და სტადიონზე კი არა, ჯოჯოხეთში წავალ!..

ნახ. ბ. ზუბაშვილისა



უსიტყვოდ





# სატირულ ლექსებში

## სადაურის წესია

### რა იძნება?!

მახვილივით ებღუჯავ კალამს,  
მდის სიამის ცრემლი...  
ჭირნახული დამიხვავდა,  
გამიმრავლა მრევლი...  
ვალს ოქროთი ვუხდი ყველას,  
თან ვაქვდებ სიმებს...  
ჩემისთანა ბედნიერი  
კიდევ თუა ვინმე?  
ისევ შენ ერთს ვაღმერთებ და  
შენვე გიკრავ მკერდში,  
ცისკარით მემატება  
ლაზათი და ეშხი!  
რასაც ვეძებ, ვპოულობ და  
ზეცას ვწვდები მხრებით,  
წლები როდი მემატება,  
კვლავ ჭაბუკი ვხდები...  
წუთისოფლის ბოსტანს ვუვლი,  
მის ზერებსა და ბალებს,  
ნასოფლარებს, ნასახლარებს  
ახლა კვლავ ვალადები...  
და ილიმის ცა და მიწა —  
სასწაულის მომხსრე!  
სიყვარული — გზად და ხიდად!  
სიძულელი მოვსაუ!  
აღტაცებას, აღმადრენას  
გული ვეღარ ფარავს!..  
მწყემსი უკრავს სალამურს და  
მგელი იცავს ფარას!..  
რასაც ფეხი აქ დავადგი,  
გადაიქცა ბაღად!..  
ქვეყანაზე მხიარული  
ღავაბიჯებ ლაღად!..  
ისევ ბღუჯავს ხელი კალამს  
და სტრიქონებს ვმართავ!..  
რა იქნება, ეს ოცნება  
რომ ამიხდეს მართლაც?!

პირში რომ გეჭიკჭიკება,  
ზურგს უკან გითხრის სამარეს.  
ალბათ ვილაცას სჭირდება,  
ალბათ ხელს ვილაც აფარებს.  
შიგნით მგელია ნამდვილი,  
გარეთ ცხვრის ქურქი აცვია.  
ბევრი კაი ყმა განირა,  
ცოტნე ვარლამად აქცია!..

სუყველას ეჭვით შევყურებს,  
აბა, ხელობა სხვა რა აქვს?  
ჯერაც ჭრის მისი ნათქვამი,  
შხამს ანთხევს, მაგრამ შარბათს  
სვამს!

ორეულივით თან დაგსდევს,  
იქ გხედება, სადაც არ ვლი!  
ღმერთმა ორივე დაწყველოს —  
ისიც და მისი მფარველიც!



### რა სასმელს მირჩევთ, რას მატყვიო?

ლეინის სმა აკრძალულია,  
ჩაი — რამდენიც გენებოთ!  
მაგრამ ის უხარისხოა  
და როგორ უნდა შეგვერგოს?

უაღკოპოლო სასმელებს  
ჯერ არ ეტყობათ გარდაქმნა!  
მაგრამ სასმელებს მე არ ვსვამ  
და აღარ ვიცი, რაღა ვქნა!

ლუდი ნახევრად წყალია,  
არც ნაკლები და არც მეტი!  
მამ, რა ჯანდაბა დაუღიო,  
რა სასმელს მირჩევთ, რას  
მატყვიო?

### იძნება მართა?

რა კაცია, დღეებს ხვალის  
ვინც არ უყრის ბალავერს?!  
კი, ყოჩაღად ირჯებიან,  
ხნავენ, თესენ, ბარავენ!..

კი, უვლიან მინდობილ ზერებს  
და მიზომილ ნაკვეთებს,  
როგორც ერთი, ისე ყველა  
თავის საქმეს აკეთებს.

ტყე უღმერთოდ იჩეხება,  
თვეზი ქრება მდინარის,  
ყველა თავის ქურქში ძვრება,  
თავისი გზით იჩქარის!

სად წაუხვალ კაცი სირცხვილს,  
სადაური წესია?  
მტაცებელზე არას ვიტყვი,  
მგალობელსაც ესვრიან!

არვინ იცის, ვინ რას შვრება,  
ვინ ვის უკრავს დაფდაფებს,  
ნარ-უკალი მორევია  
წინაპართა საფლავებს.

ბებრის ყანას არვინ თოხნის,  
კაცს გაგიძლებს რა გული?!  
დასტურ ყველა საკუთარი  
საქმით არის გართული!

ვინ გვიმუხთლა, ვინ  
დაგვწყველა,  
რა ღმერთმა და სატანამ?  
ვაი, როგორ დავივიწყეთ  
ერთმანეთის გატანა!

იქნებ დროა, ვკითხოთ ჩვენს  
თავს:

რას ვაკეთებთ? რას  
ვშვრებით? —  
ვიდრე მთლად არ  
გადავგვარდით,  
ვიდრე არ გადავშენდით!

### მალავი მშენებლის ფინალი

დრომ ცოცხვასავით გინია  
და გაგაშიშვლა ავსული!  
დრომ გაპარკაშა აქამდე,  
დრომ გახსდა შენი მსაჯულიც!



ბოლოს და ბოლოს აივსო  
მოთმინებისა ფილა.  
„ჯერ მნარე ჭამე, კვლავ  
ტყბილი“  
უკუღმა შეგიტრიალდა!

შენი „აღმასვლის“ მხილველი  
შენს დაცემასაც ვესწრები,  
გიშენებია ქვეყანა  
ყალბი ციფრებით, „ტემპებით“!..

ცა იწმინდება დღითი დღე,  
სიმართლეს ფარდა ეხდება!  
შენი დღე უკვე დაღამდა,  
ჩემი დღე უკვე თენდება!

### სომ არ გაცნობათ?

ხელს ჩამოგართმევს ღიმილით,  
პირში გაქებს და „გაფასებს“!..  
ფრთხილად, რამე არ  
ნამოგაცდეს,  
თორემ წავა და დაგასმენს!



ნ.ბ. მ. კუციასი

— იცი? მამაჩემმა ახლა ამოიღა ენა!



# შეასპინძლონ ჩვენს იუბოსლავიელ ემბოზარს

ალექსანდრე კლასი  
ამბოზარი





სის ნამუშევრების ოცდაათამდე გამოფენა მოეწყო რომში, ბერლინში, სტამბოლში, ტოკიოში, პარიზში, ჰავანაში, მოსკოვსა და მსოფლიოს სხვა ქალაქებში. მისი ყველა გამოფენა ჭილღითი და პრემიით აღინიშნა.

„თუ დავცინებთ, — წერდა ბ. მ. ბ. მ. მ. — მთელ ძალით უნდა დავცინოთ იმას, რაც უეშვარტად დასაციხია!“

— ალექსანდრე კლასის სატირა და იუმორი მიურიდებლად დასცინის კარიეროზს, პროტექციონიზმს, შიმშილს, ბუნძიობასა და ცხოვრების სხვა ნეგატიურ მოვლენებს. იგი ყოველთვის აქტუალური და მასშტაბურია, მხატვრისათვის არ არსებობს წვრილმანი თემა.

ბელგრადში ცხოვრობს ცნობილი იუმორისტი მხატვარი-კარიკატურისტი ალექსანდრე კლასი, რომელიც მსოფლიოს მხატვართა დიდ ოჯახში უეშვარტად მაღალი კლასის მხატვრად აღიარებული. მან თავისი შემოქმედების მანძილზე თითქმის ყველა ასპექტში გააშუქა თანამედროვე აღმშენის ცხოვრების უეჭვრილი მხარეები. 1963 წლიდან ალექსანდრე კლასი





გარდაქმნა უსყიდევადი, იგი უხეზა ყველას და ყველაფერს

ნახ. რ. სანადირაძის



— კი მაგრამ, ეს ლოზუნგი ხურდის დაბრუნებას არ ეხება?!
— ინტელიგენტს ჰგავხართ და ასე ნუ დახურავდებით..

თუ გაიგებთ ვინმეს ჩივილს ან შუქთა მკრთალ ტირილს... ეს ქურჩა, ჩემი ქურჩა, ქურჩა კალინინის.. დღესაც ხელთ მაქვს (რადგან ისევ ამოვარდა ქარი) მდუმარებით შემოსილი დაბნელების ქნარი. ვერ იქნა და ეს ტკივილი ვერვინ მოაშუშა, ალარც ნავით, ალარც ლამპა, ალარც ლამპის შუშა.. ვინ რა იცის, თუ როგორ ვგრძნობ დაჩქარებას უცვლელს, ვერ ვუყურებ ტელევიზორს, ვერც რადიოს ვუსმენ.. აქ სინათლე რომ ჩაქრება, კვდება არემარე, ვეღარ შევლის ვეღარც მზე და ვერც მთაწმინდის მთვარე! მფინება ვარსკვლავთ კრთომა ციდან მხიარული, მანქანების გარდა ყველას გვიჭირს სიარული!.. მთვარე თითქოს ზამბახია, მიმართალ შუქთა მფენი, ასჯერ ვანყობ საათს, რადგან ასჯერ წყდება დენი!.. ხან ისეთი მძლავრი ძაბვით მოვარდება დილით, ქსელში რაც მაქვს, დააძინებს მყისვე მეფურ ძილით. ამ სტრიქონებს ახლაც ბნელში ვწერ და მტანჯავს სევდა, ეს — მე მესმის ბნელმა სულში როგორ ჩაიხედა!.. აი, ახლაც ღამის მწუხრი ისადგურებს ნელა, ყველა ქურჩა კაშკაშდება, ჩემს ქურჩაში ბნელა!.. თვალნათლივ ვგრძნობ, რომ სულისთვის, კვლავ თუ არ მოვვარდა, სიკვდილის გზა არსად არის, ამ ბნელი გზის გარდა!.. დღეს ამ გზაზე ზღაპარია შუქთა სითამამე, დღეს სინათლეს მთელ თბილისში აქ ამარცხებს ღამე! ხაზებია დანყვეტილი, ბოძებია ძველი!.. ჯერ არასდროს არ ყოფილა ქურჩა ასე ბნელი!..

რევაზ ოსეფიშვილი

აგონეუნიონის საღვებრძელო

იუმორისკა

აღმასრულებელი იორდანე უბნის რწმუნებულთან ერთად გამოცხადდა თანდილასთან. ალიონი ჩაღვენთილიყო. მზეს პირი დაეხანა. იცოდა უბნის რწმუნებულმაც და აღმასრულებელმაც, რომ, თუ დილაუთენია არ გაუღებოდნენ თავს თანდილას, მერე ვეღარ მოიხელთებდნენ — ან სათბობი იქნებოდა, ან სასწყავში. თანდილა ცელს კვერავდა. ხაონანი ცერა თითო უსინჯავდა ფხას ცელს და გულში ბრაზობდა — რკინაც ალარა რკინობდა, კბილები მოსკვეთოდა!.. არც დაუგია სტუმრების მოსვლა, თავიც არ აუწყვია.

— სალაში ღვთისა! — ჩაახველა იორდანემ.
არ გაუგონია ნათქვამი თანდილას.
— შენა, კაცო, ჩვენ რას გვებუტები, მესამედ მოვდივართ!.. ქალღმერთი მოსული ქალაქიდანაო! — ახლა უბნის რწმუნებულმა დაიბობა ხმა და ჩაჩლატული ჩექმის ყელი ამოქაჩა მარჯვენა ფეხზე. ჩექმის ყელი გარმონივით ჩაქვტილიყო.
თანდილამ გეზად შეხედა მოსულს.
— რა ქალღმერთი მაგისთანა, მშვიდობის ბიჭო?!
უბნის რწმუნებულმა წარბები შეიკრა:
— რა შუაშია აქ მშვიდობი?
— ეგრე გეძახიან თქვენს ქალბა და მე რა ვიცი!..
— ჰო, ეგრე გეძახიან, მაგრამ მშვიდობი რომ არა ვარ, ხომ იცა?
— განა მარტო მე ვიცი?! რა დავიძახო? მადლარაანთ ბიჭო-მეტქი?
— არც ერთი და არც მეორე! მე არველოდი მქვია! ქალღმერთი კი მოვიდა!..


— რა წერია მაგ დასაწვავ ქალღმერთში?
— კვირას ქალაქში იყავი? — კითხვა შეუბრუნა უბნის რწმუნებულმა.
— ვიყავი. ნადრევი ატამი გავციდე. სულ ორი კალათა მქონდა.
— მერე?
— რა მერე?!
— სხვა არაფერი?
— სხვა რა უნდა ყოფილიყო?
— მაშ, აქ ტყუილად წერია?
— ბიჭო, მაგ ქალღმერთისა თქვენ არა გჯერათ და მე დავჯერო? დღეს რო ერთს იტყვი, ხვალ აღარ მოგწონთ თქვინივ ნათქვამი!.. აი, რას უძახით!.. საჯაროობაო!.. საჯაროობაა თუ ზოგ-ზოგების ლანძღვა, ეგ მე არ ვიცი! ის კი ვიცი, რომა წინაპრის საფლავს გუთნით არ უნდა გადაუარო! ეგ არის თქვენი გუთნის დედობა? ეგრე წახვალთ შორსა?
— რა დროს გუთნად და მეხერია!.. ამაზე მიპასუხე: ქალაქში რომ იყავი, ბაზარში, საპირფარეოში იყავი? დებოში ატეხე?
— სადა, კაცო, ფეხსადგილ-ში?!..
— შენ ფეხსადგილი დასრქევი... კოოპერატივი!
— კაცო, მოშარდვას რათ უნდა კოოპერატივი? თანაც თითო მოშარდვა 20 კაპიკიო!.. წინასწარ ხომ არ მოშარდვ მთელი ღღის მოსაშარდსა, ჰა?
— თანდილ, ნუ აუთრე!.. ოცი კაპიკი ალარა გქონდა?
— მქონდა, მაშ, არა მქონდა? მაგრამ ხომ იცი შარდის ბუშტის ორი ოპერაცია მაქვს გადატანილი!.. წამლაუწუმ 20 კაპიკის გადახდა გავგონივ?
— შენც რალა იმ კოოპერატივს მიადექი, სხვაგან ვერ მოძებნე ფეხსადგილი? რალა იმ სარკებიან კოოპერატივს მიადექი? მოგეწონსა?

— კაცო, მოშარდვას სარკე რათ უნდა, არც ჩამიხედა, ბარემ გარმონიც დაუქრან!.. მა ოც კაპიკს რაში იღებენ? მაგისთვის მეცლა? ი კალათები სხვას მივაბარე..
— მაშინ სადმე გადასულიყავი მოფარებულში!
— სადა, კაცო?! ეგ ბაზარია და ეგ ერთი სარკებიან-უთოებიანი ფეხსადგილი!.. სად წავსულიყავი?!
— სადა და... ლიხვის-სანაბი-როზე!
— ბარემ სოფელში ამოვიდოდი, მოგშარდავდი და მერე ბაზარს მივუბრუნებოდი!
— მაშინ, შენი თავისა რომ იცი, ქოთანი წაგელო!
— იორდანე, შენ ატარე ქოთანიცა და შიბაქიცა!.. სათბობი მივდივარ, ძლივს წამოვიდა ბალახა!.. რა გინდათ ამ დილაუთენია, საქმე არა გაქვთ?
— ჯარიმას გადაიხდი საზოგადოებრივი წესრიგის დარღვევისათვისა, ოც მანეთს!.. თანაც ჰკუთს ისწავლი!
— რათა, იორდანე?! ორი მანეთი იქ გადავიხადე, კიდევ ოცი მანეთი?! ჯარიმა იმით უნდა გადაიხადო!
— რათაო, თანდილა?
— ეგ არის კოოპერატივი? შევეხვეწე, ვერ შემიშვით და მერე გადავიხდი, ხომ ისევ აქეთ გამოვივლი-მეთქი!.. არაო, ზალხი გვაკლდებო, გვემაც გვიჭირსო!.. სანამ ხურდა მომცეს, სანამ გამატარეს, გამიჭირდა ეგ ოხერი!.. კაცი მივდივარ ამ ქვეყნიდან და შარდის გეგმა აღარ გამიგონია!..
— ხომ არ გავგაპარა, თანდილა?
— არა, კაცო, ისე გავგაპარდი, რომა შარდიც გამიშრა!.. შევედი და გამიშრა!.. მაინც რა ნითხრა ი კოოპერატივის კაცმა!..
— რა გიხრება ეგეთი?

— ჩვენაო შარდის ბუშტით დაკვდივართ!.. თუ მალ-მალე გეშარდება, წინასწარ გადაიხადე ფულიო! ქვითარსაც მოგცემო, ბეჭდიან-საო, განა უბრალოსაო! მალე აქ ექიმიც გვეყოლებო!.. საუბრებს ჩაგიტარებო!.. მაშა, კაცო, ახლა ფეხსადგილებშია გვაკლია კრებები თუ საუბრები!
— თანდილა, ეგ შენი საქმე არ არის!.. აგელო ი ქვითრები წინდა-წინა!..
— მერე და რომ არ მოშარდოდა?
— ეგეც არაფერია, თანდილა, კიდევ ხომ ჩახვალ ქალაქშია?
— მაშინა, იორდანე, აბონემენტი გაყიდონ ბარელამა!
— ეგ იმათთვის უნდა გეტქვა, თანდილა!
— ვუთხარი.
— ვბეჭდვით, ყველა სოფელში გავყიდითო, ფასდაკლებითაო, შეღავათებითაო!..
— სამივეს სიცილი წსაკათ. თანდილამ ცელი დაღო, დედა-კაცს ვასძახა:
— ე, დედაკაცო, სტუმრები გვეწვიენ, ქაქის ორნახადი წამონი-მღვარე, ცოტა მისაყოლებელიცა, აბონემენტის სადღეგრძელო უნდა დავლიოთ!
მაგდანა სტუმრებს მივსალმა და პატარა ტაბლა მორთო. ნათალი ქიქებიც ჩადგა. მიუღლეს მიუბრუნდა:
— ვერ გავიგე, კაცო, ვისი სადღეგრძელო უნდა დალიოთ?
— აბონემენტისა, დედაკაცო!
— ეგ ვინდა არის, ახალი აგრონომია?
— ჰო, ახალია, დედაკაცო! ყველაფერი ახალია!..

გეგლარ ნოვაქი (ქ. ჯორია)





ლ. ლ. ლ.

— რა დემარტა, თუ იცი?  
— ზეთის მაგივრად ყავა დალია და კომპიუტერული ინფარქტი მოუვიდა..

**აბანო**  
**დასაუბრობი უბანი**  
**კლუბისა**

გაიშალა მშენებლობა  
(გაუმარჯოს შენებასი)  
და ახალი კლუბი გახდა  
მთელი სოფლის მშვენიერება!  
გასაცემი თანხა გასცეს, —  
ეყოფოდა მთას და ბარს!..  
ხელფასებზეც არას ვამბობ,  
პრემიებიც ჯანდაბას!  
რომ მიუსხდნენ საბანკეტო  
სუფრას მრავალფეროვანს,

თავსხმა წვიმა ყაჩაღივით  
თავს დაატყდა შენობას!..  
თუმცა მაგრად გაილუმპნენ,  
არ ახარეს ბორბოტი,  
არ შედრკნენ და პურისჭამა  
მიიყვანეს ბოლომდე!  
საქმე ასე გადაწყვიტეს:  
„მოდით, მაღლი უფალსო,  
რაკი სოფელს ჭუჭუი ჭამს და  
წყალიცა გვაქვს უფასო,  
სახურავს ნუ შევხებით,  
ვინ დაუწეროთ, აბა, ნულს?“  
დაადგინეს: სოფლის კლუბი

გადაკეთდეს აბანოდ!  
ვერ გაიგებთ, რას ფიქრობენ  
ანდა გულში რა უწიოთ,  
შეთავსებაც დაამტკიცეს  
საცურაო აუზისი!..  
მოკლედ, რალა არ იღონეს  
(როცა გიჭირს, ასეა!),  
ცოტა აკლდა, არ გადაწყდა  
კლუბში ნავიგაცია!..

ივერ თაბაგარი  
ჭიათურა, სოფელი თაბაგარები



# ქორწინების სასახლეში

იუმორესკა

— არა, ბატონებო! ჩემი ძმა ჯვარს არ იწერს, თუ ძალაზე დადგებით, არც ჩვენ ვართ ლაჩრები! — წარმოთქვა დავითმა და „ბრაუნინგი“ საჩვენებელ თითზე დაატრიალა.

ქალები, ვინც იყვნენ ქორწინების სასახლეში, სულ აქეთ-იქით მიიფანტნენ... ყავის სასმელად, ფინჯანში ჩასახედად და საკეკლუცოდ.

— მაშ, მე მოსე არ ვყოფილვარ, თუ თავი შეგარცხენინოთ! ხელი უნდა მაანეროს!

— არ მაანერს!  
— პასლედნი პასადკაა?  
— პასლედნია!

— დავით! — უცბად „გადააბლატავა“ სიტყვა მოსემ და ხმაც „ჩაუკაიფდა“ — აქეთ ვიბაზროთ!

დავითი „დილიხორში“ ჩავარდა. მოსემ ამოიღო ბინის ორდერი და „ნაუიაზვა“ ტონკად დავითსა.

— ეს ორდერი ჩემთვის მინდოდა, მაგრამ პალალი იყოს შენზედ, ოლონდ ფაიზალი არ გლეჯო! შენი რა საქმეა, შენ ხომ არ ტუტუცდები?

დავითი „დაპლასტელინდა“.  
— დამაშნი ვორდერზე ბრავი როგორ გადავყირავო?

— ნახმარ „ფიგულსაც“ მაგიგრიალებ!  
— ან ნახმარ „ფიგულზე“!..


— „ლადა“ იყოს!  
— ვერც „ლადაზე“

— მაშ, რაღა გინდა?  
— „გაზ-24“ მაინც იყოს!..

— „ვოლცვაგენზე“ რას იტყვი?  
— არა, „24“!

— ეჰ, ჯანი გავარდეს, „24“ იყოს!  
— მე კი თანახმა ვარ, — ხელი ხელს დაჰკრა დავითმა, — ოლონდ ორი შეხვევა „პლანი“ შენზეა!..

მუხამან მერკაპილიზვილი



უსიტყვოდ

იურიდიული  
 ზიზლითიქს  
 ნახ. ი. შინაშაშვილი

## წყალო არგადსაყრელი აზრები

დაბუნიან „ფიგულეზი“, ტრასტრახებენ „იკარუსები“, „კამაზები“, „მაზები“, „კრაზები“, „ზილები“ და „გაზიკები“!.. ეგზოტიკურად გამოიყურება კვამლში გახვეული შენობების ფასადები!..

ტრამვაის ვაგონს უკან მტვერბორბლა მიჰყვება და საოცარ პოლივულდურ ეფექტს ქმნის!.. ბავშვები ოსტატურად ახერხებენ მანქანების შუა ბურთის თამაშს აირწინაღების გარეშე, რაც იმის იმედს იძლევა, რომ ჩვენ მაგარი, ამტანი და გაკაყებული მომავალი გვეზრდება!

\*\*\*

„დიდი თავები“ რომ ჩამოვიდნენ, „პატარა თავები“ ციბრუტივით დატრიალდნენ და ზღაპრული სუფრა გაუშალეს. სულ „იჩ-იჩ-უბით“ იყო ლაპარაკი. „დიდი თავებს“ დიდი მუცლებიც ჰქონდათ, ასევე საკმაოდ დიდი ჯიბეებიც ეკურათ. უარი არაფერზე არ უთქვამთ. თუ გავითვალისწინებთ, რომ „დიდი თავებში“ მეტი იყო ტორიჩელის სიცარიელე, „პატარა თავებმა“ აჯობეს მათ ჭკუითა და მოხერხებით და კმაყოფილები გაუმეგეს!..

\*\*\*

განისხნა კოოპერატივი „ინტრიგანი“, სადაც უმნიშვნელო თანხის საფასურად შეგიძლიათ შეთხზათ საჩივარი ნებისმიერ ინსტანციაში წარსადგენად, ზოგიერთების დედის სატირებლად, მოსაცდენად და სისხლის გასაშრობად!

\*\*\*

იტყვიან ხოლმე, ყველგან ყველაფერზე რიგაო. თუ ეს ასეა, მაშ, სადაც თოხი და ბარი იყიდება, იქ რატომ არაა რიგი?

\*\*\*

მაც შემაქვს ჩემი წვლილი ატმოსფეროს გაჭუჭყიანების საქმეში — ვენევი დაბალფასიან, მყრალ „მტკვარს“!

\*\*\*

კომპიუტარის მაგნიტურმა ფირმამ დამიანგარიშა, რომ ჩემი ოჯახური ეკონომიკისათვის დიპლომი არაფრის მაქნისია!

ჯონი ბაზიარაშვილი

ნახ. გ. მორჩაძისა




მას მიეპარა „შეაფხილი“ და... მაინც ვერ დაიჭირა!..





# დღიშურიკეჭი



ლიმერიკი ხუთტაეპიანი ლექსია და, როგორც წესი, იუმორისტულია. იგი უძველესი ხალხური პოეზიიდან იღებს სათავეს და დიდი ტრადიცია აქვს ინგლისურ ლიტერატურაში, — თითქმის ყველა ცნობილი პოეტი მიმართავდა ამ ფორმას. ლიმერიკები იმდენად პოპულარულია, რომ დღეს მხოლოდ სპეციალისტებს თუ შეუძლიათ მათი ავტორობის დადგენა.  
გთავაზობთ რამდენიმე ნიმუშს.

ჭაში მყავდა ორი ღლავი.  
მითხრეს: — გვინდა სასუსნავი,  
უნდა მოგვცე ორჯერ დღეში,  
თანაც ხელით არა —  
თეფშით,  
და, რაც გსურსო, ის გვიყავი..

მე ვარ მახინჯი — ღმერთს ასე ნებავს,  
დე, სხვებს მიაგონ სოტბაც და ქებაც!  
მე არ დავეძებ ჩემს სახეს უგვანს,  
მე ხომ მას მუდამ მივყვები უკან!  
იმან იკითხოს, წინ ვინც რომ ხვდება!




ერთხელ ჰკითხეს მისტერ მანტლის,  
როდის მიირთმევდა სადილს?  
უთხრა: — მხოლოდ რვაზე, სამზე,  
ხუთზე, შვიდზე, ბოლოს — ცხრაზე,  
ათზე სადილს თუ არ ჩავთვლით!



სადილად ერთი დეკანი,  
ურჩი და დაუდებარი,  
მუხუდოს მარცვალს ჭამდა:  
— რა ვქნა, არ მაქვსო მადა,  
ჩემი ულუფა ეგ არი!

ექიმს პატარა პონი  
უთხრა უქმეხი ტონით:  
— სულ ტანის აყრას ვლამობ,  
მაგრამ მაგ წამლის გამო  
ვერ გავიზარდე, მგონი!



სათნო საქმეზე ამალი  
ქროდა, ვით ჩიტი ფრთამალი.  
უსაქმოდ მდგარმა უკნიდან  
კაცს ყურზე მწარედ უქბინა  
და იქვე მისცა წამალიც.


ხის ტოტზე იჯდა უქნარა,  
არ მოასვენა ფუტკარმა,  
უკვირდა: რალას ბზუისო,  
რალას ბზაზობს და გულსობს,  
თუკი დამკბინა ხუთგანა?!



დაბადებთვე მის ჯენევიას  
სხვადასხვა ზომის ყური რგებია.  
პატარა ყურიში მას იწიბინჩი  
თუ არ ესმოდა, სანაცვლოდ დიდში  
ხუთჯერ მისცესო თურმე პრემია.



ლონდონში ქალი ცხოვრობდა ქუში,  
თურმე ყველაფერს იხვევდა გულში.  
სადღაც წავიდა დღეს ისე  
სწრაფად,  
რომ სირქარეში გაეხა კაბა  
და... გაოცდებით: დაბრუნდა გუშინ!



ლიზპეტი თავის სინმინდით ქუხდა,  
ნიადაგ სუფთა ტან-ფეხზე წუხდა  
და იატაკზე ტახტიდან დილით  
თავით ხტებოდა, ჯერ კიდევ  
თბილი,  
ოლონდ ფეხები ჰქონოდა სუფთა.

გრძელწვერა კაცი ჰყვებოდა ნელა:  
— თუმც ნელა ვყვები, მე მაინც  
ვღელავ,  
ქათამი, ძერა, ჭოტი და ქორი,  
ორი შაში და ტოროლაც ორი —  
ბუდეს ჩემს წვერში იკეთებს ყველა.



ერთ მოხუცს ჰქონდა მტკაველი ცხვირი,  
მან არ იცოდა, რა იყო ძილი,  
რადგან ფარანი ცხვირზე მანამდის  
ეკიდა, სანამ თევზებს კალათით  
არ მიიტანდა შინ სისხამ დილით.

ლიდსის დადგმა რომ ნახა გუდმენმა,  
იქვე დაასკვნა გადაუდებლად:  
— იმით გავიგებთ პიესა ეგო  
რომელს ეკუთვნის — შექსპირს  
თუ ბეკონს,  
საფლავეში დღეს ვინ გადაბრუნდება!

ინგლისურიდან თარგმნა  
ბიორგი ნიშნიანიძემ  
ილუსტრაციები ჯამალ ლოლუსანი



